



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 68. Variæ Urbani VIII. Pontificis Constitutiones.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

cilis, de augendo Dei cultu summo-
 pere sollicitus: Templum augustum
 Romæ S. Ignatio sacrum Regiis ferme
 sumptibus exstruxit, ibidemque Col-
 legium Hibernorum juvenum instituit,
 annuosque illi reditus assignavit. Tan-
 dem vero rebus præclare gestis Bonon-
 niæ nonnisi triginta septem annos na-
 tus, die decima octava Novembris de-
 cessit, sepultus in sua Metropolitana.
 Scripsit sermones plurimos Bononiensibus
 literis excusos.

Duobus nonnisi Cardinalibus hoc
 anno defunctis Urbanus VIII. Pontifex
 die vigesima Decembris unum dunta-
 xat Cardinalem Joannem Albertum Si-
 gismundi III. Polonorum Regis Filium
 post Patris sui mortem subrogabat.

§. LXVIII.

*Varia Urbani VIII. Pontificis Con-
 stitutiones.*

Præterea Urbanus VIII. Pontifex pa-
 storalem suam sollicitudinem circa
 varia Ecclesiæ negotia extendit, edi-
 tisque Constitutionibus testatam reddi-
 dit, & primo quidem cum Mutius Vi-
 telleseus Societatis Præpositus, socios
 suos non raro sæcularia officia ac digni-
 tates ambire deprehenderet, summum
 Pontificem rogabat, ut votum, vi cu-
 jus

*Bull. magn.
 Urb. VIII.
 tom. 4.*

Sæc. XVII. A. C. 1632. jus Prælationem vel dignitatem extra Societatem prætere
 dientia acceptare prohibebantur, etiam ad *seculares* ejusmodi dignitates & officia, quæ jurisdictionem habent, extendere vellet: quod etiam Pontifex die vigesima quinta Januarii edita de super Bulla præstitit. Pariter Generalis Vicarius Ordinis Fratrum B. V. de Mercede exposuit, quod Laici fratres non raro licentias extorqueant, vi quarum ad Sacros Ordines promoveri ambiant, hinc Pontifex die decima Martii prohibuit, ne imposterum inconsulta S. Congregatione quispiam Ordinis Superior ejusmodi licentias concedat, laici vero ita ad minores vel S. Ordines promoti, a susceptis Ordinibus perpetuo sint suspensi, ac laici, ut antea, remanere intelligantur. Cum vero Pontifex Suecorum irruptione, ac Protestantium violentiis grave Ecclesie & Imperio periculum imminere intelligeret, die prima Aprilis omnes Patriarchas, & Ecclesie Pastores, necnon utrumque Clerum, cunctosque fideles hortabatur, ut fuis ad Deum precibus concordiam inter Principes Catholicos impetrare satagerent. Sub idem tempus Carmelitarum Discalceatorum Generalis Procurator querebatur, quod nonnulli ex Carmelitis calceatis in Belgio

gio & Siciliae Provinciis Excalceatorum habitum deferant, seque Carmelitas reformatos S. Theresiae non sine gravi Ordinis Theresiani detrimento, & aliorum scandalo nominent; re igitur perpenſa Pontifex die prima Decembris hanc temeritatem interminata excommunicationis majoris, & suspensionis pœna coercuit: Insuper decretum a S. Inquisitionis Generalis Congregatione conditum approbavit, vi cuius omnibus Regularium Superioribus inculcatum, ut suos subditos sæpe commoneant de injuncta omnibus observantia circa executionem Apostolicarum Constitutionum, quæ contra hæreticam pravitatem emanarunt. Denique die vigesima secunda ejusdem Mensis declaravit Pontifex, quod Clerici Regulares, vulgo de Somasca dicti, in Orphanotrophiis, Seminariis &c. suæ curæ commissis privata Oratoria habere, & pro ibidem commorantibus etiam intra tempus Paschale Missam celebrare valeant.

§. LXIX.

Diversæ S. Congregationum decisiones.

Motis subinde dubiis Sacræ Congregationes sequentibus decretis hoc anno

*Decis. S.
Congreg.
Rit. Episc.
Concil. &c.*